

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126164](#)

De Secundo.

Progressum nunc ad alteram partem,
XII. v. 12. sive notitiam Domini nostri Iesu Christi contemplaturi. Hic nobis commendatur.

I. *Tanquam gentium illuminator.* Ante enim non erant ex hoc ovili, Joh. 10. v. 16. sed alienati à Republicâ Israël, & hospites testamentorum promissionis, Eph. 2. v. 12. sed ex indebitâ gratiâ & misericordiâ Deus in Sion electum & pretiosum lapidem angularem posuit, 1. Petr. 2. v. 6. qui medium parietem maceris solvens, ex Judæis & ethnici unum fecit, Eph. 2. v. 14. Hic recens natus Rex Iudaorum est, qui propterea duobus insignitus est nominibus, & vocatur Hebraicè Jesus, h. e. Salvator, ut indicetur, esse Salvatorem Iudaorum, ex quibus natus est quoad carnem, Rom. 1. v. 3. Græcè verò χριστός, h. e. unctus, ut ostendatur, esse quoque eundem Servatorem Græcorum sive ethnicorum. Parum est, ait Deus, ut sis mihi servus, ad suscitandas tribus Jacob, & desolationes Israël convertendas, Esa. 49. v. 6.

Cape hinc solatum, mi Christiane! Nisi grata hac stella orta fuisset, in tenebris & umbrâ mortis mansisset, quin & in peccatis periisset. Verum Servator tuus à potestate tenebrarum te redemit, & idoneum fecit in partem fortis sanctorum in lumine, Col. 1. v. 12. ut jam sis civis sanctorum, & domesticus Dei, Eph. 2. v. 19. pertinens ad genus electum, regale sacerdotium, gentem sanctam, 1. Petr. 2. v. 9.

Quod si igitur peccata tua te conturbant, quid turbaberis? Christus propter peccatores in mundum venit, 1. Tim. 1. v. 15.

Quod si angustiis immersus es: constat tibi, Christum te ad regnum suum vocasse, ut quidem communicare passionibus ejus debas: sed & in revelatione gloriae ejus gaudio exultes, 1. Petr. 4. v. 13.

Quod si vita cum morte tibi commutanda: hæc itella prælucere tibi potest per tenebrosum mortis vallem, in cœlestem patriam. Nemo enim nostrum sibi vivit, & nemo sibi moritur, Rom. 14. v. 7.

Sed & opera danda est, ut dignè vivamus vocatione nostrâ: Satis est enim nobis, quod anteacto vita tempore, voluntatem gentium patraverimus, 1. Petr. 4. v. 2.

In janua Academiæ Atheniensis olim hæc inscriptio exstitit: *Arbores, ô homo, si sylvestris time, si campestris fuge, si hortensis gaude!* quo ipso Præceptores discipulos suos instruere voluerunt, ut moribus rusticanis valedicentes, virutem & bonas artes imbiberent, & earum fructus in vita offendenterent.

Nos antehac in Genitilismo itidem arbor sylvestris fuimus, sed Dei gratiâ, in bonam olivam Christum Jesum inserti sumus, Rom. 11. v. 24. ideo officii nostri erit, meliores & utiliores fructus ferre, quam antea tulimus, alias Dominus, quando die novissimo queret, nec inveniet, maledictione nos perdet, ut sicum illam, Matt. 21. v. 19.

Ah, quomodo illi aliquando consistent, qui jam in ethnicis peccatis se volutare pergunt, postquam eos Christus voeavit de tenebris in admirabile lumen suum, 1. Petr. 2. v. 9. Sanè indigni sunt Christianorum nomine, & poenae eorum aliquando eò gravior erit, Luc. 12. v. 4-7.

II. *Tanquam promissus Salvator.* Etsi n. ille ipse, quem Deus Judæis mittendum pro-

promiserat, imprimis, quando apud Jерemiam dixit: Ecce, dies veniunt, dicit Dominus: & suscitabo David germen justum. *Jer. 23. v. 5. 6.* Hic Rex ex Bethlehem orundus erat, ut Micha aliquantante secula prædixerat. *Mich. 5. 2.*

Hoc ita impletum est in prælecto Evangelio: Ubi princeps Sacerdotum, & Scribæ populi, ab Herode consulti, ubi Christus nasceretur, dixerunt ei: In Bethlehem Iудææ. Ibidein quoque magi eum inventum, muneribus suis honoraverunt.

Non vero arbitremur, quod propter Iудæos tantum hoc nomen gerat, quia è genere eorum ortus est: sed & spiritualium Israëlitarum Rex & Salvator est. Non enim quin manifesto Iudeus est: neque quæ in manifesto, in carne, est circumcisio: sed qui in abscondito Iudeus est. *Rom. 2. v. 28.*

Hoc non sine solatio est.

In hoc mundo, multæ tribulationes iustorum, *Psal. 34. 20.* Quilibet dicit: pone in terram corpus tuum, & in plateas transiuntibus, *Esa. 5. i. v. ult.* Grex enim pusillus sumus, *Luc. 12. v. 32.* quibus identidem exprobratur: Ubi Dens est tuus? *Psal. 42. 4.* Sed estote bono animo, *Dilecti!* Vita nostra abscondita est, cum Christo in Deo. Cum autem Christus apparuerit, vita nostra, tunc & nos apparebimus cum ipso in gloria, *Col. 3. v. 34.* & Regem videbimus in decore suo, cum admiratione cordis nostri, *Ela. 33. 17.*

Interea veneremur ipsum, cum Patulo dicentes: Regi seculorum immortali, invisibili, soli sapienti Deo, honor & gloria, in secula seculorum, Amen, *i. Tim. 1. 17.*

Diligamus eum. Si quis enim non amat Dominum Jesum nostrum, sit anathema Muharem-atha, *i. Cor. 16. 22.*

Vere amur eundem. Timor enim Domini expellit peccatum, *Sir. 1. v. 26. 27.*

Imprimis vero elegans hoc Epitheton, quod Jesu applicatur, dum *Rex recensnatus* dicitur, in nobis *novam obedientiam excitare* debet, ut ex reverentia erga eum, in novitate vitæ ambulemus, *Rom. 6. v. 5.* & novum hominem induamus, qui secundum Deum creatus est, in iustitia & sanctitate, *Eph. 4. v. 24.* simul quoque mandatum novum observantes, diligamus nos invicem, sicut ille nos dilexit, *Joh. 13. v. 34.* Sic miserationes ejus erunt diluculo novæ, *Thren. 3. v. 23.* & in cœlesti Hierusalem omnia faciet nova, *Apoc. 21. 5.* ut non amplius ploremus aut lamentemur, ut in hoc mundo, *Joh. 16. v. 20.* Sed cum viginti quatuor senioribus canticum novum cantemus, *Apoc. 5. v. 8.* quæ vox erit exultationis & salutis in tabernaculis iustorum, *Psal. 118. v. 15.* Absorpta est mors in victoriæ, *i. Cor. 15. v. 55. 57.*

III. *Tanquam somniorum dictator.* Hic audimus, quod magis in somnis mandaverit, ne redirent ad Herodem, quod & fecerunt. Per aliam namque viam reverti sunt in regionem suam.

Somniorum tria potissimum sunt genera.

1. *Somnia naturalia*, quæ à causis naturalibus originem habent, quicquid enim interdiu meditaris, loqueris vel facis, id plerumque noctu sese vicissim offert, idque juxta complexionem hominis. Alia somnia enim melancholicis, alia Choleris, alia Phlegmaticis, & alia Sanguinolentis sese offerunt. Ejusmodi somniis non multum trahendum est, *Sir. 34. 1. 2.*

2. *Somnia diabolica*, per qua homines seducit, aut ad idolatriam, aut ad alta nefaria peccata & flagitia. Sacerdotes gentilium ex viis mactatorum animalium sese invol-

entes corā altari prostrati jacuerunt. Inter Judos quoque Pseudoprophetæ erant qui somnia sua, pro verbo Dei venditarunt, de quibus conqueritur Jeremias, c. 23, 25. similiiter & Judas Apostolus insomniis de lusorum mentionem facit, v. 8. Quo Thomas Muntzerus referendus est, qui iisdem non parum tribuit, teste Sledano.

Verum per hujusmodi somnia non modo falsa doctrina introducitur, & confirmatur: sed & id diabolus iisdem fæpe efficit, ut peccatum originale victoriam obtineat adversus hominem interiorem, quod sine hoc medio efficere non potuisset, ut si quis in somnis blasphemet, maledicat, occidat, scortetur, & alia nefanda agat, qua non sine peccato sunt, si cum consensu & delectatione fiant. Corpus enim modo dormit, anima vero semper vigilat, & mediante phantasia pīis quoque ejusmodi somnia conciliat, respectu quorum cauam habent, à Deo remissionem peccatorum petendi, Psal. 32. v. 6.

3. *Somnia divina*, quæ olim familiaria valde fuerunt, utpote per quæ Deus Patriarchis & Prophetis se multifariam manifestavit, Gen. 25. v. 12. c. 38, 12. Exod. 33, 11. Num. 12, 6. Ethuc quoque referendum est, quod Evangelista de Magis in oriente dicit, quod accepto responso in somnis à Deo instructi sunt, ne redirent ad Herodem: sed per aliam viam reverterentur in regionem suam.

Hodie hujusmodi somniis non amplius fidendum est, præsertim si illud quod significant, manifeste Deo verbo adversetur. Postquam enim Deus in V. T. multifariam, mul-

tisque modis per somnia quoque & visiones se manifestavit, in diebus his novissimis, locutus est nobis in filio, Heb. 1, 1. In hoc unice acquisitio cere debemus, quem videlicet nobis cœlestis Pater apprime commendat, Matth. 3, v. ult. c. 17, 5.

Hinc B. Lutherus in Comm. super Genesim, se pæcum cum Deo iniisse scribit, ne per visiones, somnia aut Angelos secum agat: sed omnino se in sacra scriptura acquisitio, utpote ex qua sufficienter, ad hanc, & futuram vitam instruatur.

Sic nos totos ad legem & testimonium componamus, Esa. 8, 19. quodsi enim cum sapientia dormitum eamus, non pavebimus à repente terrore, & à devastatione impiorum, Prov. 3, 24. sin autem quandoque somniis Melancholicis infestemur, exemplo Abrahæ solari nos poterimus, quem similiter horror magnus & tenebrosus invasit, Gen. 15, 12. Eventus Deo commendandus est, cuius dextræ mutatio, Psal. 77, 11. Deum diligentibus omnia in bonum cooperabuntur, Rom. 8, 28. Tempore suo Dominus in sepulchrum, tanquam dormitorium nostrum nos cubitum deducet, ubi nullis amplius somniis inquietabimur, sed requiescimus ab omnibus laboribus nostris, Apoc. 14, 13. Die vero novissimo, quando tuba Archangeli resonabit, lati revigilabimus ad cœlestis gaudium, 1. Cor. 2, 9. Tunc erimus quasi somniantes, quorum os replebitur risu, & lingua exultatione, Ps. 126, 1. 2. Fiat id per Christum, Dominum & Servatorem nostrum, Amen.